



Фарғона ҳақиқати

ФАРҒОНА ВИЛОЯТИ ҲОКИМЛИГИНИНГ БОШ НАШРИ

Одамий эрсанг,
демагил одами,
Ониким, йўқ халқ
ғамидин ғами.
Алишер НАВОИЙ.

Сайтимизга ўтиш учун
QR кодини телефонингиз
орқали сканер қилинг



Газета 1917 йил 14 октябрдан чиқа бошлаган

<http://farhaqiqat.uz/>

t.me/farhaqiqati

2021 йил 6 февраль, шанба **№ 12** (24505)

Ўзбекистон Республикаси Президенти Шавкат МИРЗИЁЕВ ФАРҒОНАДА



Ташриф
давомида
вилоятнинг

**ҚИШЛОҚ ХЎЖАЛИГИ,
ХУНАРМАНДЧИЛИК,
ТЎҚИМАЧИЛИК,
ЧАРМ-ПОЙАБЗАЛ**

**тармоқларидаги
корхоналар
фаолияти,
БУНЁДКОРЛИК
ишлари билан
танишди.**

Ўзбекистон Республикаси Президенти Шавкат МИРЗИЁЕВ жойларда ижтимоий-иқтисодий ислохотларнинг бориши, бунёдкорлик ишлари, ҳудудлар ривожини, йирик лойиҳалар билан танишиш, аҳоли билан мулоқот қилиш мақсадида 4-5 февраль кунлари Фарғона вилоятида бўлди.

Биринчи кун

ЭНГ КАТТА МАҚСАДИМИЗ — ЁШЛАРНИ ИШ БИЛАН ТАЪМИНЛАШ, “МАҲАЛЛАБАЙ” ЎСИШ НУҚТАЛАРИНИ БЕЛГИЛАБ, КАМБАҒАЛЛИКНИ ҚИСҚАРТИРИШДИР

■ Ташриф дастури жуда тиғиз ва мазмунан бой. Биринчи манзил – Олтиариқ туманидаги “Файзли боғлар сари” узумчилик кооперацияси бўлди.

Олтиариқликлар деҳқончилиги, омилкорлиги билан танилган. Уларга ер берилса, ўзини ҳам, элини ҳам бой қилади. Лекин, бошқа маҳсулотларга нисбатан даромади камлигига қарамай, бу туманда ҳам пахта ва ғалла кўп экилар эди. Давлатимиз раҳбарининг қишлоқ хўжалигини таркибий ўзгартириш, бозорбоп экинлар экишга қаратилган сиёсати кўли гул деҳқонлар ва ёшларга катта имконият очди.

Президент келган кооперациянинг 6 гектарлик токзорини ўрнида илгари пахтадан 20, ғалладан 25 центнер ҳосил олинар эди. Утган йили бу ерда боғ яратилиб, “хўсайни”, “келин бармоқ”, “ризамат” навли узум кўчатлари экилган. Қатор ораларида помидор, бодринг, қўқатлар, қалампир ва бошқа сабзавотлар етиштирилмоқда. Томчилатиб сўғориш тизими жорий қилинган.

Энг муҳими, бу майдон 51 нафар ёшга, жумладан, хориждан қайтиб келган меҳнат муҳожирларига ажратиб берилган. Улар плёнка остига сабзавотлар экиб, йилига тўрт мартагача ҳосил олиши мумкинлигини айтишди.

– Ҳар бир ёш ҳақида ота-онаси қандай қайғурса, мен ҳам шундай қайғураман, – деди Шавкат Мирзиёев улар билан суҳбатда. – Ёшларни тезроқ иш билан таъминлаш учун катта имкониятларимиздан бири ҳозирча шу. Ҳаётда ўрнини топган инсонда ўзига ишонч, интилиш пайдо бўлади. Бугун ёшларга даромад манбаи яратиб, иш ўргатиб, тетапоя қилсак, 2-3 йилдан кейин ҳеч кимга қарам бўлмайди – банкда ҳисоб-рақами бўлади, уй олади, яхши яшайди, болаларини яхши тарбиялайди.

Президент ёшларга ўқиб-ўрганиб, фаолиятини яхшилаш бўйича маслаҳатлар берди. – Ҳаёт – кураш, рақобат. Бу курашда ким кучли бўлади? Ақлли, билимли, меҳнат қилган. Бугун ёшлар давлатимизнинг эъти-



борини ҳис этиши, кўп ўқиб, кун сайин билимини ошириб, ривожланишда давом этиши керак, – деди давлатимиз раҳбари. Ерларни ажратиб бериш орқали Фарғона вилоятида 200 минг нафар ёшнинг бандлигини таъминлаш бўйича кўрсатмалар берилди.

“Файзли боғлар сари” узумчилик кооперациясининг умумий ер майдони қарийб 130 гектар. Шундан 40 гектар майдонда токзор, 90 гектар майдонда интенсив боғ барпо этилган. 2 минг тонна сигимли музлаткичли омбор, юк машиналари бор. Етиштирилган маҳсулотларнинг катта қисмини экспорт қилиш режалаштирилган.

Шу ерда Фарғона вилоятида қишлоқ хўжалиги соҳасида амалга оширилаётган лойиҳалар тақдироти ўтказилди.

Давлатимиз раҳбари журналистлар билан жонли мулоқот қилди.

– Сизлар менга кўмакчи ва елкадошсиз. Мен сизларни ютуғимизни ҳам, камчилигимизни ҳам халқимизга адолатли етказётган куч деб



билан. Сизлардан бир нарсани илтимос қилмоқчиман: изланишдан эринманглар. Адолатни халққа етказишдан қўрқманглар. Нимага десангиз, ортингизда Президент турибди. У замонар ўтиб кетди. Фақат адолат, адолат ва ҳақиқат. Қанча кўп ҳақиқатни етказа олсак, шунча кўп манфаат бўлади, – деди Шавкат Мирзиёев.

Иккинчи кун

БАРЧАМИЗ ҲАМЖИҲАТ БЎЛИБ, ОЁҒИМИЗ ЕРДАН УЗИЛМАСДАН МЕҲНАТ ҚИЛСАК, ФАРҒОНАДА АЛБАТТА НАТИЖА БЎЛАДИ

■ Ташрифнинг иккинчи куни Фарғона шаҳрида халқ депутатлари вилоят Кенгашининг навбатдан ташқари сессияси бўлиб ўтди.

Сессияда Президент Шавкат Мирзиёев иштирок этди ва нутқ сўзлади.

– Бу ерга келишдан олдин кўп-кўп таҳлил қилдик. Келиб-кейтиш осон. Лекин 4 миллионлик вилоят аҳолисига нима манфаат бўлади, деган савол кўндаланг турибди. Шунинг учун бир ойдан бери тайёргарлик кўряпмиз. Кеча туманларда юриб, одамлар билан гаплашдим. Фарғонанинг эртаси нима бўлади, деб кечасиям ўйлаб чиқдим. Коронавирус касаллиги ёнимизда юргандек, иқтисодий хавф-хатар ҳам ёнимизда юрибди. Дунёдаги инқироз ҳамма давлатларга таъсир қилди. Бозор топиш – азоб бўлиб кетди. Шунинг учун янги «ўсиш нуқталари»ни шакллантириб, имкониятларни тулиқ ишга солишимиз керак, – деди давлатимиз раҳбари.

Сессияда ташкилий масала кўрилди. Давлат раҳбари 2020 йил сентябрь ойдан буён Фарғона вилояти ҳокими вазифасини бажариб келаётган Хайрулло Бозоров номзодини Фарғона вилояти ҳокими лавозимига тавсия этди.

Х.Бозоров меҳнат фаолиятини 1995 йилда солиқ инспектори сифатида бошлаган. 2007-2015 йилларда Наманган вилояти ҳокимининг ижтимоий-иқтисодий масалалар бўйича ўринбосари, Учқўрғон, Чуст ва Мингбулоқ туманлари ҳокими бўлиб ишлаган. 2015-2020 йилларда Наманган вилояти ҳокими бўлган. Утган йили Ўзбекистонда хизмат

кўрсатган иқтисодчи фахрий унвони билан таъдирланган.

– Мен Хайрулло Бозоровни кўп йиллардан бери биламан. Учта туманда, вилоятда ҳоким бўлиб ишлаган. Жуда тажрибали, ҳозирги замонга муносиб, халқпарвар, камтар инсон. Тўрт ойдан бери ҳоким вазифасини бажарувчи сифатида сизларнинг ҳам синовингиздан ўтди. Фарғонага мана шундай билимли, тажрибали одам керак, – деди Президент.

Халқ депутатлари, нуронийлар, ёшлар сўзга чиқиб, номзодни қўллаб-қувватлади. Овозга қўйиш натижаларига қўра, Хайрулло Бозоров Фарғона вилоятининг ҳокими этиб тасдиқланди.

Сессияда давлатимиз раҳбари аввалги ҳоким, айни пайтда Бош вазир ўринбосари лавозимида ишлаётган Шухрат Ғаниев ҳақида фикр билдирди.

– Ғаниевнинг энг катта фазилати – у ҳалол одам, ҳаловати йўқ. У кимгадир ёқади, кимгадир ёқмайди. Лекин садоқати бор одам. Оғир синовли йилларда ўзини кўрсатди. У республикамиз қишлоқ хўжалигида ҳам ўзининг қаттиққўллиги билан катта ишлар қилишига ишонаман. Шухрат Мадаминовичга омад тилайман, – деди Шавкат Мирзиёев.

Президент раҳбарларни асраб-авайлаш, уларнинг ҳурматини жойига қўйиш ҳақида ҳам гапирди.



Ўзбекистон Республикаси Президентининг ФАРМОНИ

Х.Х.БОЗОРОВНИ ФАРҒОНА ВИЛОЯТИ ҲОКИМИ ЛАВОЗИМИГА ТАЙИНЛАШ ТЎҒРИСИДА

Ўзбекистон Республикаси Конституциясининг 93-моддаси 15-банди ва 102-моддасига асосан ҳамда халқ депутатлари Фарғона вилоят Кенгашининг қарорига мувофиқ Хайрулло Хайитбаевич Бозоров Фарғона вилояти ҳокими лавозимига тайинлансин.

Ўзбекистон Республикаси
Президенти

Ш. МИРЗИЁЕВ

Тошкент шаҳри,
2021 йил 5 февраль



Халқ депутатлари Фарғона вилояти Кенгаши навбатдан ташқари сессиясида Ўзбекистон Республикаси Президенти Шавкат Мирзиёев:

- Фарғона халқи танти, бағри кенг, меҳнасевар.
- Телефон алоқа воситасигина эмас, тарбия воситасига ҳам айланди.
- Депутат – халқ овози, халқ дарди.
- Коронавирус ҳам, иқтисодий хавф-хатар ҳам ёнимизда юрибди.
- Энг катта ўзгариш – эмин-эркин фикр юриши ва яшашга ўрганилаётганидир.
- Мудраб ўтирадиган замон ўтди.
- Президент ёшлар билан шуғулланади, учрашади. Лекин нега ҳокимлар бунга вақт тополмайди?

- Туман раҳбарларидан ўн карра ақлли ёшларимиз бор.
- Меҳнат қилган одамни битта хатоси учун “таг-туғи” билан улоқтирдик. Кечирини билиш керак.
- Билимсиз ман-манликка интилади.
- “Сиз” дейиш буюк маданиятнинг намунаси.
- Риштон кулолчилиги намуналари ҳар бир хонадонда бўлиши керак.
- Касб билан элда муносиб ишонч, обрў топиш бахт.
- Муаммо ҳал бўлгунча халқ депутатлари

- шаҳар-туман сессияларини маҳаллада ўтказиш керак.
- Дуони оқсоқоллар беради, аравани ҳоким тортади.
- Энди ҳамма ҳамма нарсага жавоб бермайди. Аниқ амалдор аниқ вазифага жавоб беради.
- Пахта халқ манфаати учун керак.
- Вазир вилоятлар халқига хизматкор.
- Мигрантлар ҳам бизнинг фуқароларимиз, улар бизнинг айбимиз билан четта чиқиб кетишган.
- Фарғонадан Урганчга авиақатновлар очилди. Энди Сеул, Дубай, Истанбул, Самарқанд, Бухорога самолётлар қўйилади.

- Тиббиёт пуллими ёки бепул? Жавоб йўқ.
- Қарсакдан наф қўрмадик.
- Қонун устувор, жазо муқаррар!
- Одамлар қашшоқ бўлишига давлат, биз ўзимиз, тизим айбдор.
- Мен ёшларга кўпроқ ишонаман.
- Адолатни ўрнаттиш, ҳалол бўлиб юриш осон эмас.
- Халол пул топган одамга ҳеч ким тегмайди, бунга мен кафилман.
- Фарғона аҳли бирлашмаса, мақсадга ета олмаймиз.

ЭНГ КАТТА МАҚСАДИМИЗ — ЁШЛАРНИ ИШ БИЛАН ТАЪМИНЛАШ, “МАҲАЛЛАБАЙ” ЎСИШ НУҚТАЛАРИНИ БЕЛГИЛАБ, КАМБАҒАЛЛИКНИ ҚИСҚАРТИРИШДИР

10

■ Президент Шавкат Мирзиёев Риштон туманида қурилган Халқаро кулолчилик марказини бориб кўрди.

Илгари риштонлик кулоллар ўз уйда, тор устахоналарда ишларди. Хориқлик туристлар учун шароит йўқ эди. Ҳисоб-китобларга кўра, ўтган йили туманга 15 мингдан ортиқ хориқий сайёҳ келган. Агар қўшни Қирғизистон орқали Россия ва бошқа мамлакатлардан келиб, Риштондан ўтадиган туристларни ҳам қўша, бу рақам яна бир неча мингга ортади. Бу туманинг сайёҳлик салоҳияти юқориликдан далolat.

Давлатимиз раҳбарининг 2017 йил 17 ноябрдаги фармонида кейин хунармандчиликни ривожлантириш ва хунармандлар учун кенг имкониятлар яратила бошланди. Мазкур фармонга мувофиқ, ўтган йилларда Қўқон ва Марғилон шаҳарларида хунармандчилик марказлари қурилган эди. Риштондаги кулолчилик йўналишида бўлди.

Агар Марғилон атлас ва адраслари, Қўқон ёғоч ўймакорлиги ва нақшошлик мактаблари билан машҳур бўлса, Риштон қадимий кулолчилик санъати билан дунёга танилган. Бу ерда тайёрланган сопол идишлар ўзига хос дизайни, экологик тозаллиги билан ажралиб туради. Риштон кулолчилик маҳсулотларининг ярмидан кўпи ташқи бозорда харидорғир.

Пандемия даврида аҳолининг уйда ўтириб, хунармандчилик билан шуғулланиши ва даромад топишига кўмаклашиш мақсадида қисқа мuddатда туманда Халқаро кулолчилик маркази барпо этилди. Бу ерда 20 та икки қаватли кулоллар хонадони, Риштон тарихи музейи, банк хизматлари маркази қурилган. Уиларнинг биринчи қаватида устахона ва савдо дўкони жойлашган, иккинчи қаватда хунармандлар оиласи яшайди.

Хонадонларнинг ҳар бирида 6 ўринли меҳмонхона ҳам мавжуд. Чет эллик сайёҳлар бу ерда яшаб, кулолларнинг иши билан танишиши мумкин.

Марказ фойдаланишига топширилиши билан 250 га яқин иш ўрни яратилди. Кулолчилик маҳсулотлари Бирлашган Араб Амириклари, Чехия, Туркия, Россия, Озарбайжон, Қозоғистон, Қирғизистон, Тожикистон каби давлатларга экспорт қилинмоқда.

Давлатимиз раҳбари Ўзбекистон халқ устаси Алишер Назиров устахонасида бўлди. Қўргазмага қўйилган кулолчилик буюмларини кўздан кечирди.

– Бу идишларда меҳнат билан, юрак билан бирга тарих ҳам бор. Ҳамма йўналишларда миллий анъаналаримизни тикляпмиз. Сопол

буюмлар ҳам миллий қадриятимиз. Уларни яна омалаштириб, ҳар бир хонадонга киритиш керак. Уларни чет элликлар жуда қадрлайди. Чунки чироили, сифатли, экологик тоза. Юртимиздаги ҳар бир уйда мана шундай идишлар бўлса, ҳам миллий ифтихор, ҳам маънавият бўлади, – деди Шавкат Мирзиёев.

Президент таниқли кулоллар Музаффар Саидов ва Шарофиддин Юсупов хонадонига ҳам кириб, улар билан самимий сўхбатлашди.

Кулолларга айланма маблағ ва имтиёзлар бериш, бошқа ҳудудларимизда дўконлар очишига кўмаклашиш, мамлакатимизнинг хориқдаги элчихоналарида кўргазма-савдо расталари ташкил этиш бўйича кўрсатмалар берилди.

Халқаро кулолчилик марказида “Хунарманд” уюшмасининг туман бўлими, ўқув маркази ҳам жойлашган.

Қурилиш жараёнида шу ердаги Ҳўжа Рушноий мақбараси обод қилинган эди. Давлатимиз раҳбари ушбу мақбарани ҳам зиёрат қилди.

Шу ерда вилоятда “Маҳаллабай” тизими асосида ёшлар ва аёлларни иш билан таъминлаш, камбағалликни қисқартиришга қаратилган чора-тадбирлар муҳокама қилинди.

Президентга Бағдод тумани мисолида уч бўғинли “Маҳаллабай” ишлаш тизими тақдимот

қилинди. Ушбу уч бўғинли тизимда ҳар бир маҳаллага тижорат банкларининг масъул ходимларидан иборат доимий вакил бириктирилади. Улар маҳалла раислари билан бирга хонадонлардаги аҳолини, ишсизлар сони, уларнинг қизиқишлари, ҳудуднинг “ўсиш нуқталари”, мавжуд тадбиркорлик субъектлари фаолиятини кенгайтириш масалаларини ўрганиб боради.

Ушбу ўрганишлар чоғида ишлаб чиқилган таклифлар иккинчи босқичда ҳар бир сектор қошида иқтисодий комплекс ходимларидан тузилдиган бошқарув офислари берилди. Бошқарув офисларида ўша ҳудуддаги тижорат банклари раҳбарлари, бандлик ва меҳнат муносабатлари, солиқ, иқтисодий тараққиёт ва камбағалликни қисқартириш бўлиминининг масъул ходимлари аниқланган муаммо ва таклифлар асосида ҳар бир маҳаллани ривожлантириш бўйича “Йўл хариталари” ишлаб чиқади ва уларнинг ижроси юзасидан тегишли чора-тадбирларни кўради.

Учинчи босқичда туманларда ҳокимларнинг биринчи ўринбосари бошчилигида мувофиқлаштирувчи гуруҳ ташкил этилади. Улар ишлаб чиқилган “Йўл харитаси”ни тасдиқлаб, унинг ижроси бўйича ҳар чорак-



да маҳаллий кенгашларга ҳисобот беради, маҳалла раислари билан бирга бошқарув офислари фаолиятини муҳокама қилиб боради.

Шавкат Мирзиёев ушбу уч босқичли тизимни бутун мамлакатимизга жорий этиш бўйича топшириқ берди. Ўз уйда тижоратчи цехи очиб, маҳалла хотин-қизларини иш билан таъминлаган учқўприқлик аёллар, нодавлат ўқув марказлари раҳбарлари билан мулоқот қилди. Улар фаолиятини кенгайтириши учун логистикага қўлай жойда замонавий комплекс қуриб бериш бўйича мутасаддиларга вазифа қўйди.

■ Фарғона вилоятида 400 дан зиёд қўшма ва хориқий корхоналар фаолият қўрсатмоқда. Истиқболли лойиҳалар асосида инвестицияларнинг ўзлаштирилиши натижасида қишлоқларга саноат кириб, кўплаб янги иш ўринлари яратилмоқда.



Фарғона туманининг Лоғон қишлоғидаги “Vody-Shoes” масъулияти чекланган жамият шаклидаги қўшма корхона иш бошлаганига кўп вақт бўлгани йўқ. Бу ерда тайёрланаётган эркаклар, аёллар ва болалар пойабзаллари қисқа вақтда ички ва ташқи бозорда ўз харидорларини топди. Маҳсулотлар пишиқ-пухталиги, бежирим кўриниши билан ажралиб туради. Шунингдек, корхонада ҳуқуқ-тартибот идоралари ходимлари учун махсус пойабзаллар ишлаб чиқарилади.

Давлатимиз раҳбари ушбу корхона фаолияти билан ҳам танишди, тайёр маҳсулотлар намуналарини кўздан кечирди.

Қайд этиш лозимки, Президентимизнинг Фарғона вилоятига аввалги ташрифлари чоғида ушбу корхона лойиҳаси тақдимот қилинган эди. Давлатимиз раҳбари, аввало, тайёрланган маҳсулотлар экспортбўи ва сифатли бўлиши лозимлигини таъкидлаб, энг



замонавий усқуна ва технологиялар олиб келиш, корхонада ишлайдиган ёшларни ўқитиш бўйича топшириқлар берганди.

Қўшма корхона ўтган йили фойдаланишга топширилди. 4,1 гектар майдонга эга қўшма корхонада умумий қиймати 16 миллион

доллардан зиёд лойиҳа амалга оширилиб, Италия, Туркия ва Германиядан замонавий усқуна ва технологиялар олиб келинди.

Лоғон, Каптархона, Вазие, Аввал каби қишлоқларда яшовчи унлаб ёшлар малакали мутахассислар ёрдамида касбга ўқитилди. Энг муҳими, бугун улар бу ердаги замонавий технологияларни бемалол бошқармоқда.

Корхона маҳсулотлари асосан маҳаллий хомашёдан тайёрланади. Фақат пойабзал таг қисми учун махсус қўшимча Германиядан олиб келинади.

Айни пайтда 2 мингдан зиёд иш ўрни яратилган. Уларнинг асосий қисмини маҳаллий ёшлар ташкил этади. Корхонада биринчи босқичда йилига 1 миллион жуфт пойабзал ишлаб чиқарилмоқда. Асосан маҳаллий хомашёдан фойдаланилгани учун таннархи ҳам арзон. Шу боис ички бозорда импорт ўрнини босиб, хориқий билан рақобатлашмоқда. Экспорт мўлжали – 12 миллион доллар.

Иккинчи босқичда корхона қувватини 2 миллион жуфтга етказиш режалаштирилган. Шу мақсадда яқин атрофдаги 18 та маҳалла хотин-қизлари касаначилик асосида ишга жалб қилинади. Натижада 5 мингдан ортиқ аёлларнинг бандлиги таъминланади.

Президент шу ердаги тўқимачилик корхонасини ҳам кириб кўрди. «Баҳодир Лоғон» пахта-тўқимачилик кластерига қарашли мазкур ширкат йилига 10 минг тонна маҳсулот тайёрлаш қувватига эга. Япония, Туркия, Германия ва Швейцариядан усқуналар келтирилиб, ип-калава ва мато ишлаб чиқариш йўлга қўйилган. 480 кишининг бандлиги таъминланган, шундан 300 нафари ёшлар.

Биринчи босқич бўлиб, 2022 йилда иккинчи босқични амалга ошириш режалаштирилган. Унинг натижасида 1 минг 800 та янги иш ўрни яратиб, экспорт салоҳиятини 16 миллион доллардан ошириш мақсад қилинган.

Давлатимиз раҳбари хомашёни қайта ишлашни янада кенгайтириб, тайёр маҳсулотлар турини кўпайтириш, энг муҳими, бозор топиш зарурлигини таъкидлади.

Шу ерда Фарғона вилоятида 2021-2022 йилларда амалга оширилдиган инвестиция лойиҳалари тақдимоти ўтказилди.

■ Президент Шавкат Мирзиёев 2019 йил 6 майда Фарғона вилоятида бўлганида тошдан қоғоз ишлаб чиқариш лойиҳаси тақдимот қилинган эди. Бугунги кунда ушбу лойиҳа Фарғона шаҳрида «Fergana stone paper» корхонаси бўлиб амалга ошди.



Хитойдан ноёб технология олиб келиниб, йилига 9 минг тонна қоғоз тайёрлаш қувватига эга бўлди. Президент ташриф арасида ушбу корхона синов режимида ишга туширилди.

Тошдан ясалган қоғоз бир қанча афзалликларга эга. Биринчидан, целлюлоза қоғоз тайёрлаш учун жуда кўп сув сарфланади, захарли моддалар борлиги туфайли бу сув яроқсиз бўлиб қолади. Тошдан қоғоз ишлаб чиқаришда эса сув ишлатилмайди.

Иккинчидан, мустаҳкамлиги, чидамлиги оддий қоғозга нисбатан юқори. Узидан сув ўтказмайди, доғ юқмайди. Шу боис тошдан олинган қоғоз матбаачиликда, қадоқ ва гулқоғин ишлаб чиқаришда жуда қўлай. Ташқи бозорда харидорғир.

Корхонада 60 киши иш билан таъминланди. Давлатимиз раҳбари иш жараёнини, қоғоз сифатини кўрди.

– Қоғоз тайёрлаш қадимий хунармандчилик йўналишларимиздан бири. Ўз даврида Самарқанд қоғози дунёга машҳур бўлган. Бу корхона – тарихий анъаналарнинг саноат



даражасида қайта тикланиши, – деди Шавкат Мирзиёев.

Президентимиз Фарғона вилоятида ишлаб чиқарилаётган импорт ўрнини босувчи саноат маҳсулотларини ҳам кўздан кечирди.

Матназар ЭЛМУРОДОВ,
Зиёдилла ЖОНИБЕКОВ,
Абдулазиз МУСАБЕВ,
Ў.А.

БАРЧАМИЗ ҲАМЖИҲАТ БЎЛИБ, ОЁҒИМИЗ ЕРДАН УЗИЛМАСДАН МЕҲНАТ ҚИЛСАК, ФАРҒОНАДА АЛБАТТА НАТИЖА БЎЛАДИ



— Илгари ҳокимни қўяётганда қарсақ чалардик, ёмонлаб ишдан олардик, ишдан олганимиздан кейин унутиб юборардик. Бу нотўғри. Ҳоким лавозимини тортмас, кўчага ташлаб қўйиш керак эмас. Битта раҳбарни тайёрлашга 20 йил кетади. Биз асраб-авайлаб тарбия қилган ҳокимларимизни ҳеч қачон хор қилмаслигимиз керак. Ҳоким, шу элни йўлбошчиси бўлган одамни ҳаммамиз ҳурматини ҳам жойига қўйишимиз керак. Фарғонада шунча йил ишлаган одамни Тошкентда раҳбарлик қилиши, ўйлаётгани бу биринчи тажриба. Шу тажриба бошқа вилоятларга ҳам юксин. Бугун бутун республикамиз кўради, илоҳим шу тажрибадан амалда вилоят, туман ҳокимлари ҳам ўзларига хулоса қилса мен рози бўлардим. Барибир меҳнат қилган одам ҳеч қачон хор бўлмаслиги керак, — деди давлатимиз раҳбари.

Президент туманлардаги мутаассадларнинг иш услуби, жойлардаги муаммоларга ҳам тўхталиб ўтди.

— Агар раҳбар оддий, самимий бўлиб, «ерда» юриб, халқнинг дардини билиб, оғирини енгил қилса, унинг ҳурмати ошади. Фақат столда ўтириб, машинада юриш билан обрў ошиб қолмайди. Менинг энг катта ташвишим — кўйи поғонадаги, туман микросидаги раҳбарлар ўзига масъулият олмапти. Бор имкониятдан тўғри фойдаланиб, фаоллар билан бирлашиб, кўп масалаларни туман, маҳалланинг ўзида ҳал қилса бўлади. Ҳоким ҳаловатга интилмаслиги, ўзини ишга бағишлаши керак, — деди Президент.

Илгиларида хизмат вазифини етарли даражада бажармагани учун Кува, Ўзбекистон ва Ёзёвон тумани ҳокимлари ҳамда айрим сектор раҳбарлари лавозимидан озод этилгани айтилди.

Таяқидлаш жоиз, ҳозир маҳаллий кенгашлардаги ҳамма депутатлар ҳам ўз ваколати даражасида фаолият юритмапти. Сессияда давлатимиз раҳбари шу ҳақда ҳам тўхталиб, халқ ноиблари депутат деган макомга муносибми деган саволни қўйди.

— Мен Сенат биносига борганимда уни жайдари тилда «Халқ уйи» деганман. Депутатлар мана шу Халқ уйига киришга муносибми? Виждонимиз олдига жавоб берайлик: халқ вакиллари бир ойда, уч ойда, олти ойда, бир йилда маҳаллий кенгашларга нечта таклиф берди? У таклиф элимга, маҳалладошларимга, туманимга нима манфаат олиб келди, деган саволга афсуски икхобий жавоб йўқ, — деди давлат раҳбари.

Шундан сўнг Президент вилоятини ижтимоий-иқтисодий ривожлантириш, маҳаллабай тизимда

аҳоли турмуш шароитини яхшилаш вазибалари бўйича маъруза қилди.

2021 йилги Мурожаатномада белгилаб берилган йўналишлар ва вазибалар асосида, вилоятда янги «Ўсиш нуқта»ларини аниқлаш, ҳудудни маҳаллабай комплекс ривожлантириш, аҳоли учун муносиб турмуш шароити яратиш бўйича амалий чора-тадбирлар ишлаб чиқилгани қайд этилди.

Унга кўра, аввало, аҳоли бандлигини ошириш ва тадбиркорликни ривожлантириш ҳисобига, камбағалликни қисқартиришга эътибор қаратилади. Бунинг учун ҳар бир маҳалла, ҳар бир оила, ҳар бир фуқаро ҳаётидаги муаммоларни ўрганиш ва ҳал этиш, аҳоли бандлиги ва даромадини ошириш бўйича янги тизим жорий этилаётгани таъкидланди.

Республика ишчи гуруҳи томонидан Фарғона вилояти мисолида маҳаллабай ишлашнинг вертикал тизими ишлаб чиқилгани айтилди. Биринчи босқичда банкларнинг малакали мутахассислари вилоятдаги 1041 та маҳаллага номнаом доимий вакил сифатида бириктирилгани маълум қилинди.

Бу вакиллар маҳаллада ишсиз аҳолини, ёшлар ва аёлларни касб-хўнарга ўргатиш ва тадбиркорлик қўйишни ташкил қилади. Шунингдек, тадбиркорларга кредит олишга ва лойиҳаларини амалга оширишга ёрдам бериб, маҳалла раислари ва фаоллари билан доимий иш олиб боради.

Шаҳар ва туманларни маҳаллабай тизимда ривожлантириш мақсадида вилоятдаги 76 та секторнинг ҳар бирида иқтисодий комплекснинг малакали ходимларидан иборат бошқарув офислари ташкил этилиши айтилди. Бу мутахассислар маҳаллага бириктирилган банк ходимлари билан бирга, жойлардаги шароитни ўрганиб, лойиҳаларни шакллантиради ва амалга оширишга кўмаклашади.

Зарур бўлса, ишсиз аҳоли, ёшлар ва аёллар касб-хўнарга ўргатилади.

Фарғона вилоятида 2021-2022 йилларда умумий қиймати 17 триллион сўмлик 949 та инвестиция лойиҳаси амалга оширилиши таъкидланди. Бунда кимё, тўқимачилик, чарм-пойабзал, қўриқил материаллари, электротехника соноати «драйвер» бўлади.

Хусусан, «Фарғонаазот» акциядорлик жамиятида жами 537 миллион долларлик 3 та лойиҳа, тўқимачиликда 154 миллион долларлик 14 та лойиҳа амалга оширилди.

Президент мутасаддиларга «Миллий банк», «Асака банк» ва «Ўзсанотқурилишбанк» билан бирга янги инвестиция лойиҳаларини шакллантириш

борасида «лоийҳалар офисини» ташкил қилишнинг Фарғона тажрибасини яратиш бўйича топшириқ берди.

Вилоятда ер ресурси чеклангани сабабли чўл жойлар, яйлов ва адирликларда 33 минг гектар ер ўзлаштирилади. Бунга сарфланадиган 350 миллиард сўмлик харажатларнинг 110 миллиард сўми субсидия ҳисобидан қоплаб берилди.

Ижтимоий соҳаларни, инфратузилмани ривожлантириш чора-тадбирлари белгиланди. Жорий йилда вилоятнинг 11 та жойида 105 та кўп қаватли уйлар барпо этилиши таъкидланди. 312 миллиард сўм марказлашган маблағлар ҳисобидан 503 километр йўлларни тасмирлаш бўйича вазифа қўйилди.

Янги ташкил этилган Фарғона жамоат саломатлиги тиббиёт институти салохиятидан самарали фойдаланган ҳолда, мақсадли тиббий кўрик ва консултациялар ўтказиш, билрамчи тиббиёт бўлинини ривожлантириш учун 16 та оилавий шифокорлик пункти ва оилавий поликлиника ташкил этиш бўйича кўрсатмалар берилди.

Президент ёшлар ва аёллар бандлигини таъминлаш масалаларига алоҳида эътибор қаратди.

Жорий йилда Фарғона вилоятидаги 19 та туман ва шаҳарларда биттадан Ёшлар санаот ва тадбиркорлик зонаси ташкил этилиши, «Ёшлар: 1+1» лойиҳаси доирасида 8 мингдан зиёд ишсизлар тадбиркорлик ва касб-хўнарга ўқитилиши белгиланди. Хотин-қизларнинг ўз ишини очишига кўмаклашиш, муҳтожларнинг ўй сотиб олиши учун бошланғич бадал пулларини тўлаб бериш, ажралишларнинг олдини олиш муҳимлиги таъкидланди.

— Юрагимдаги жўшқин тилагим, жонжон халқимизнинг оғирини енгил қилиш. Биринчи кундан жуда катта ҳаракат, изланмишамиз. Бу қарорлар, фармонлар, мажлислар бекорга эмас. Фарғона аҳли буюк эл. Мана шу халққа муносиб бўлиш ва эртанги кунини фаровон қилиш зиммамиздаги муқаддас бурч. Агар салгина ўзгариб, кичкина қадам ташласак, халқимиз бошига кўтараяпти, биздан рози бўлмаяпти. Ҳаммамиз дарҳақиқат бўлиб, оёғимиз ердан узилмасдан меҳнат қилсак, Фарғонада албатта натижа бўлади, — деди Президент.

Халқ депутатлари сессиясидан сўнг Президент қўрилган Фарғона шаҳридаги Шодибена маҳалласига борди. Маҳалла ора-лаб юриб, аҳоли билан учрашди.

— Мана, бугун вилоятларингизга янги ҳоким қўйдик. Маҳаллабай ишлаш тизимини жорий қилашимиз. Ҳақиқий аҳволни билиш, одамларнинг оғирини енгил

қилиш учун маҳаллангизга ўзим келдим, — деди Шавкат Мирзиёев аёллар билан суҳбатда.

Онахонлардан бири эртага ўғлининг тўйи бўлишини айтди. Президент уларни табриқлаб, ёш оиллага бахт, соғлиқ тилади.

Кутилмаган ташрифдан хурсанд бўлган одамлар давлатимиз раҳбарига сўхат-саломатлик, халқимизга тинчлик-фаровонлик тилаб дуолар қилди.

Соҳибқирон Амир Темур кўчаси бўйлаб юрилиб, уй-жойлар, савдо шохобчалари кўздан кечирилди. Шавкат Мирзиёев маҳалла идорасига кириб, маҳалла раиси ва маслаҳатчилар билан суҳбатлашди. Аҳолининг яшаш шароити, ҳудуддаги муаммоларни сўради. Уларни ҳал этиш бўйича мутасаддиларга кўрсатмалар берди.

Давлатимиз раҳбари Фарғона шаҳри Мустақиллик мавзесида бунёд этилган 2 та 16 қаватли янги турар жойни кўздан кечирди. Уларнинг ҳар бири 80 хонадонли бўлиб, 2-3 хонадон иборат. Ҳозирга қадар вилоятда бундай банд уй қурилмаган. Шу сабабли қурилишда сейсмология ва замонавий архитектура талабларига алоҳида эътибор берилган. Энергия тежовини, сифатли маҳаллий қурилиш материалларидан фойдаланилган хонадонлар коммуникация тармоқларига уланган. Биноларнинг совуқ ва иссиққа чидамли бўлиши учун базальт қопламасидан фойдаланилган.

Кўп қаватли уйларнинг ёнида болалар ўйин майдончаси, машиналар тураргоҳи бор. Режага кўра, мазкур уйларнинг 8 таси ногиронлиги бор ва оғир ижтимоий вазиятга тушиб қолган аёлларга, 32 таси малякта ижтимоий ҳаётида фаол иштирок этиб, алоҳида намуна кўрсатаётган эш оилаларга, 120 таси уй-жой шароитини яхшилашга муҳтож оилаларга ажратилган.

Маълумки, Фарғона вилояти мамлакатимизнинг аҳоли энг зич жойлашган ҳудудларидан. Шу сабабли бу каби замонавий кўп қаватли уйларнинг қурилиши аҳолининг уй-жойига бўлган талабини қондириш баробарида ердан унумли фойдаланишда муҳим аҳамият касб этади. Мисол учун, 2 та 16 қаватли уйни қуриш учун 11 сотих ер қийлат қилди. Бу ерда энди 160 та оила яшайди. Демак, озгина ерда шунча оиланинг уй-жойига бўлган муаммоси ҳал бўлди.

Президентимиз ўтган йили мазкур уйлар қурилиш жараёни билан танишиб, массивда яшайдиган аҳоли фарзандлари учун мактаб ва болалар боғчаси, оилавий поликлиника каби зарур инфратузилмалар объектлари бунёд этиш бўйича топшириқ берган эди. Бугунги кунга келиб Мустақиллик массивида 420 ўринли мактаб фойдаланишига



топширилди. 380 ўринли мактаб-гача таълим ташкилоти қурилиши давом этмоқда.

Умуман олганда, кейинги тўрт йил мобайнида вилоятда 2011 хонадонга мўлжалланган 45 та кўп қаватли уй қурилган.

Президентимиз аҳолини уй-жой билан таъминлаш борасидаги ишчи ва маслаҳатчилар бўлишини қайд этди. Бу каби уйлардан фойдаланиш маданиятини ошириш лозимлиги айтилди. Бу уй-жой мулкдорлари ширкатлари ва шу ерда яшовчи аҳоли ҳамкорлигига боғлиқ.

Давлатимиз раҳбари уйларнинг қурилиш технологияси ва сифатини кўздан кечирди. Ёнгин хавфсизлигини, коммунал хизматлар барқарорлигини таъминлаш бўйича мутасаддиларга қўшимча кўрсатмалар берди.

Шу ерда Фарғона шаҳар Мустақиллик массивидаги кўп қаватли уйларнинг ичимлик суви таъминоти ва оқсув тизимларини қуриш, қурилиш комплексиди яратиладиган янги иш ўринлари, 20 хонадонга мўлжалланган 5 қаватли 1 подьездли уйлар қуриш каби қатор лойиҳаларни тақдимоти ўтказилди.

Давлатимиз раҳбари Фарғона тумани Илгор маҳалласига бориб, ички йўлларни арзон қуришга оид андозларни кўздан кечирди.

Ўртимизда 39 минг километрга яқин ички йўллар тупроқли. Илгари қурилган кўчаларнинг ҳам кўпи ўйдим-чўқур бўлиб, яроқсиз ҳолга келган. Ушбу барча йўлларга асфальт ётқиши жуда қimmatга тушади.

Шу боис кум-шагал, оҳак тош, чакки тош, цемент каби маҳаллий материаллар аралашмасидан 5 хил қатламга варианты тайёрланди.

Шавкат Мирзиёев ушбу намуналари кўздан кечирди. Соҳа мутахассислари йўл қопламаларининг таркиби, таннари, сифати бўйича маълумот берди.

Президент бу ишланмаларни қўллаб-қувватлаб, уларни муҳандислик жиҳатидан тақомиллаштириш, ҳомашё заҳиралари ва зарур техникаларни аниқ ҳисоб-киتاب қилиб, энг маъқулини танлаш кераклигини таъкидлади.

Шу билан давлатимиз раҳбарини Фарғона вилоятига ташрифи якунланди.

Матназар ЭЛМУРОДОВ,
Зиёдулла ЖОНИБЕКОВ,
Авазбек ХУДОЙҚУЛОВ,
Абдулазиз МУСАЕВ,
Ўза Мухбирлари.

Ҳ.ЛАТИПОВ: Олтиариқда электр станцияси қурилади

«Фарғона нефтни қайта ишлаш заводи» МЧЖ тасаруфидида Олтиариқ ёқилги ишлаб чиқариш корхонаси қурилмалари, техника ва технологияларнинг эскиргани, жаҳон бозорига сифатли, янги стандартдаги нефть маҳсулотларига бўлган талабнинг ортгани ишлаб чиқариш жараёнини ислоҳ қилишни тақозо этмоқда. Корхона майдони кенг, бу ерда янги лойиҳаларни ишга тушириш орқали унинг фаолиятини тўхтатмаслик, ишчи ўринларини сақлаб қолш имкониятлари мавжуд. Ҳозирда истиқболли лойиҳалар ўрганиб чиқилмоқда. Бу ҳақда завод директори Ҳ.Латипов шундай дейди:



Сўнгги вақтларда оммавий ахборот воситалари ва ижтимоий тармоқларда Фарғона

нефтни қайта ишлаш заводи Олтиариқ ёқилги ишлаб чиқариш корхонасида Ўзбекистон Республикаси Меҳнат кодексининг 89-моддасига мувофиқ меҳнат шартлоғлари ўзгаргани сабабли 450 нафар ходим томонидан норозиликлар билдирилгани билан боғлиқ вазиятга доир қўллаб ҳабарлар тарқатилди.

Завод раҳбарияти юзага келган ҳолатга оидинлик қилиш мақсадида ишчилар билан учрашди. Уларга бу чоралар вақтинча эканлиги, шу сабабли санаот хавфсизлиги меъёрларини таъминлаш учун ишлаб чиқариш корхонасида 256 нафар ходим қолаётгани маълум қилинди. Заводнинг бугунги иқтисодий ҳолати, яқин келажакка мўлжалланган истиқболли режалари тушуинтирилди.

Олтиариқ ёқилги ишлаб чиқариш корхонаси ташкил этилганига 106 йил бўлди. Унинг олти технология усулидан иборат асосий ишлаб чиқариш қувватлари ҳамда ёрдамчи цехлари ўтган асрнинг 40-50 йилларида ишга тушурилган. Қурилмалар қуввати пасайди, техника ва технологиялар маънан эскирди. Улар давр талабига жавоб берайми қолганлиги боис, 80-йилларда кенг қўлданга реконструкция ишлари олиб борилди. Бугунги кунга келиб, корхонанинг ишлаб чиқариш жараёни ислоҳ қилишга муҳтож бўлиб қолди. Бешта технология қурилма фойдаланиш учун яроқсизлиги

сабабли тўхтатиб қўйилди, қисман қисмларга ажратилди.

2020 йилда Олтиариқ ёқилги ишлаб чиқариш корхонаси харажатлари 65,1 млрд. сўмини ташкил этди. Унинг 38,16 млрд. сўми корхонанинг имконсиз тўхтаб турган вақтига, яъни апрель-декабрь ойларига тўғри келади. Вужудга келган мураккаб молиявий қийинчиликларга қарамай, ходимларнинг иш ҳақи тулик микдорда, ҳеч қандай кечикишларсиз тўлаб келинмоқда.

Олтиариқ ёқилги ишлаб чиқариш корхонасида истиқболли ишлаб чиқаришни ташкил қилиш билан боғлиқ барча жиҳатларни ўрганиб чиқиш, Фарғона нефтини қайта ишлаш заводининг «Jizzakh petroleum» МЧЖ қўшма корхонаси ишончли қилинди. Заводнинг бугунги иқтисодий ҳолати, яқин келажакка мўлжалланган истиқболли режалари тушуинтирилди.

Олтиариқ ёқилги ишлаб чиқариш корхонасида истиқболли лойиҳа доирасида хитойлик шериклар билан ҳамкорликда, импорт қилинадиган қўмрақ хомашёсини етказиб беришни ҳисобга олган ҳолда, бизнес режани химоя қилиш бўйича батафсил ўрганиш бошланди.

Мазкур лойиҳа Олтиариқ ишлаб чиқариш корхонаси ходимлари учун доимий иш ўрни яратиш, унинг ишлаб чиқариш қуввати билан туман аҳолисини улуқсиз электр энергияси билан таъминлаш имконини беради.

Рустам ОРПОВ.

Фарғона мамлакатимизнинг ишсизлик даражаси юқори бўлган вилоятларидан. Иқтисодийнинг етакчи тармоқлари — санаот ва қишлоқ ҳўжалигининг анча ривожланганлигига қарамай, бу кўрсаткич бўйича у олдинги сафларда. Бунинг асосий сабаби — аҳоли сонининг тобора ўсиб бораётганидир. Коронавирус пандемияси боис чегараларнинг ёпилганлиги ва меҳнат миграциясининг деярли тўхтаб қолганлиги каби бошқа омиллар ишсизлик муаммосини, аксарият мамлакатларда бўлганидек, бизнинг мамлакатда, хусусан, вилоятда ҳам янада кескинлаштирди. Шунга қарамай, айни пайтда вилоятда бўш иш ўринлари бор, лекин исталганча, аниқроғи, талаб этилаётган даражада эмас. Гарчи ҳар йили янги корхоналар очилиши ва мавжуд корхоналарда ишлаб чиқаришнинг кенгайтирилиши ҳисобига ҳам ўнлаб-юзлаб иш ўринлари яратилаётган бўлса-да.

— Утган йилнинг 1-ярмида вилоятда ишсизлик даражаси 13,6 фоизни ташкил этган бўлса, йилнинг охирига келиб бу кўрсаткич 10,9 фоизга тенг бўлди, — дейди вилоят бандлик бош бошқармаси бошлиғи Баҳодир Холиқов. — Ишсизликнинг 2,7 фоизга камайишига пандемия даврида қўрилган тезкор чора-тадбирлар орқали эришилди. Хусусан, маҳалла-маҳалла, уйма-уй юриб, банд бўлмаган ва эҳтиёжидан фўқароларни аниқлаш натижасида 24,8 минг нафар аёл ва 17,2 минг нафар ёшлар доимий иш билан таъминланди. Бу, бизнинг асосий ютуғимиз, деб ҳисоблайман.

Бундан ташқари, 48 минг нафардан ортиқ фуқаро жамоат ишларига ҳалқ этилди. Қўллаб оилаларга енгил типдаги иссиқхона қурилиши ҳамда уруғ, кўчатлар, сугориш воситаларини харид қилиш учун субсидия берилди. Камбағалликни қисқартириш масаласида Хитой тажрибасига таянилди. Кооператив ташкил этиш истиғини билдирган 28 нафар кишига фўйдаланилмаётган 508,8 гектар ер ажратилди. Шунингдек, ўрганиш жараёнида тўртта тикувчилик ҳамда хўнарандчилик билан шўғулланиш истиғини билдирган фўқаролар аниқланди, уларга ишни ташкил этиш ва фаолият юритиш учун 3,8 млрд. сўм микдорда субсидия берилди. Натижада, 1,7 минг нафар ишсиз кооперативларга аъзо бўлди.

— Камбағалликни тадбиркорлик орқали қисқартиришга алоҳида эътибор бериляпти, — дейди бош бошқарма ҳудудий меҳнат бозорини таҳлил қилиш, янги иш ўринлари дастурларини шакллантириш ва мониторинг қилиш шўбаси

бошлиғи Маъруфжон Қосимов. — Мана, тадбиркорлик билан шўғулланмоқчи бўлган 532 нафар ишсиз фуқарога субсидия тариқасида 114,1 млн. сўм микдорда маблағ ажратилди. Ишсизларни моддий жиҳатдан қўллаб-қувватлаш мақсадида 3,2 млрд. сўмлик ишсизлик нафақаси тўланди. Беш ярим минг нафардан ортиқ аёл ва ёшлар меҳнат бозорига талаб юқори бўлган касб-хўнараларга, шунингдек, чет тилларга ўқитилди.

...Вилоят бандлик бош бошқармасидан

БАНДЛИК — КАМБАҒАЛЛИҚДАН ЧИҚАРИШНИНГ УСТУВОР ЙЎЛИ

Натижада банд бўлмаганлар сони қисқармоқда

■ Уй-жой ва иш — инсон ҳаётидаги энг муҳим нарсалардан. Бошпана ва бандлик бўлса, одам тинч, хотиржам ва фаровон яшайди. Жамиятга кўпроқ фойда келтиради.

қайтарканман, йўлда иккита эълонга кўзим тушади. Уларнинг бирида озиқ-овқат дўконига, иккинчисида — гўзаллик салонига ишга таклиф экан. «Ишсиз, демакки, эҳтиёжман бўлса-да, бу вакансияларни эгаллашга шошиладиган топилармикин?», деган савол ҳаёйдан ўтади. Дарҳақиқат, Конфуций «Ўзингизга семилли юмуш топинг-да, шунда ишга боришингизга тўғри келмайди», деганида минг бор ҳақ эди. Яъни, буюк хитой файласуфи, агар сен танлаган юмуш кўнгилдагидек бўлса, ишга эмас, кўнгил очишга боргандек бўласан, демокчи бўлган. Дарҳақиқат, турк шоири Нозим Ҳикмат ҳам: «Эрталаб ишга жуда ҳам боргинг келса — бу, бахт!», деган эди.

Қанийди ҳамманнинг семилли иши бўлса!

куни синфдоши билан ўзи яшаётган депарадига қаҳвахонага иш сўрагани борибди. Бўш иш ўринлари бор экан, шерги ишга жойлашибди, лекин ота-онаси қўлига қараб қолган қиз ҳануз банд эмас. Таклиф этилган иш унга тўғри келмасмиш. Лекин боқиманда бўлишдан кўра ҳар қандай иш, жумладан, кўча сугуриш афзал эмасми?!

Таниқли россиялик кинорежиссёр Андрей Кончаловскийнинг телетомошаниларга гапириб берган бир ҳикояси ҳеч эсдан чиқмайди. Унинг «Одиссей» номли икки серияли фильми экранларга 1997 йилда чиққан. Ҳомеининг машҳур поэзияси асосида суратга олинган фильм сценарийсини режиссёрнинг ўзи ва ўзидан ёш америкалик сценарист

Крис Солимайн ёзган. Фильм суратга олиб бўлингандан кейин, янги сценарийга буюртма бўлмаганлигидан Солимайн вақтинча ишсиз қолган. Бекор ўтирмастик учун у кўча супурчилар қаторидан ўрин олган, ваҳоланки, «Одиссей» сценарийси учун мўмай қалам ҳақи олган, чунки фильм бюджети 40 млн. долларга тенг эди.

Пандемия дастидан ватандошларимиз хорижга бориб ишлаш имконидан маҳрум бўлганларида, банд бўлмаган водийликлар пўлтахтимиздаги ўлган қурилиш объектларига таклиф этилдилар. Шунда бандлик ва меҳнат муносабатлари вазир Нозим Ҳусанов жамоатчилик ишлари — ишсизлик даражасини пасайтиришнинг иккинчи усули, деб айтган эди. Бирок, машо дуруст бўлганига қарамай, меҳнат ҳақи тўланганидан бундай юмушлар ҳатто маълумотиносиз, боз устига даромадсиз ёки вақтинча банд бўлмаган фўқароларга ҳам жой берилди.

Кези келганда, баъзи фўқароларимизнинг боқимандалик кайфиятидан ҳануз халос бўлмаганликларини айтиб ўтиш керак. Афтидан, бундайлар давлат томонидан бериладиган нафақани ишдан афзал қўрадилар. Ваҳоланки, ишсизлик нафақаси тўловларига давлат бюджетидан мамлакатимиз бўйича миллиардлаб сўм сарф этилиб, бу маблағларга қанча янги корхона курси бўларди-ю!

— Биласизми, бир кун овера бўлиб, бандсиз фўқарони ишга жойлаштириб келдим, — дейди Маъруфжон Қосимов, эйрқ этилган бош бошқарма ҳудудий меҳнат бозорини таҳлил қилиш, янги иш ўринлари дастурини шакллантириш ва мониторинг қилиш шўбаси бошлиғи. — Икки-уч кун ўтгач, у бошқармамизга яна иш сўраб келибди. Сабабини суритирсам, «иш ёқмадимиш». Кошки эди бундай фўқаролар қанмамо бўлса! «Чанг», «шовқин», «ойлик паст», деган бадона билан ишни тарқ этишади. Баъзи яшир корхона яшаш жойидан ўзи, шароитлар яқин эмас ва ҳоказо «нуқсонлар» ни ваҳ қилиб кўрсатишади.

Чанг бўлса, респиратор, шовқин асабга тегаётган бўлса, ёқимли музиканинг жаранглаб

туриши учун «наушник»ни тақиб олиш мумкин-ку! Бу каби баҳоналар меҳнатсеварлиги билан донг таратган халқимиз вакилларига ярашмайди. Яқинда ҳамкасбим билан Фуркат туманида хизмат сафарига бўлиб, Томоша қишлоғида Шаҳбоз Йўлчиев билан танишдик. Уқишга киролмай, 30 млн. сўмлик кредит олган йигитча бедана боқиб билан шўғулланаётми, туҳум сотиш эвазига ойига 1,5 млн. сўм даромад топгачи. 500 бош бу дала қуши жойлашган бир қарич хонада ўтириб қолган ҳидга эса чидаш қийин, лекин пўл тақиб осомни? Бунга ҳам қониқмай, уддаб



Алишер Навоий таваллудининг

580 йиллигига

Навоий — инсоншунос шоир

ТАРИХЧИЛАРНИНГ ЁЗИШИЧА, 1469 йил апрелида Ҳусайн Бойқаро Ҳиротни эгаллагандан сўнг, Султон Ҳусайн илтимосига кўра, Алишер Навоий Самарқанддан Ҳиротга қайтади ва Рамазон ҳайити муносабати билан дўсти шарафига битилган "Ҳилолия" қасидасини тақдим этади. Ҳусайн Бойқаро Навоийни дастлаб муҳрдор қилиб, 1472 йил февралда вазирлик лавозимига тайинлайди ва "Амири Кабир" (Улуғ Амир) унвонини беради. Бу унвон Навоийнинг умри охиригача сақланади. Бу лавозимлардан Навоий эл-улус маърифати, шаҳар ва мамлакат ободонлиги, тинчлиги, вақф ишлари, маданият равнақи, адолат тантанаси каби эзгу ниятлар йўлида фойдаланиб, буларнинг барчаси оқибат-натихада Султон Ҳусайн давлатининг барқарорлиги ҳамда нуфузини таъминлади.

хилқати ва унинг моҳияти ҳақида айтади:
Бас ани инсон атағил бериё,
Ким ишидур сабр ила шукру ҳаё.
Демак, инсонийликнинг биринчи шарты сабр-қаноат ва ҳаё эканлиги эътироф этилмоқда.
Навоий талқинида яна бир муҳим жиҳат – ато, яъни меҳр-саховатдир:
Ато ҳам тўрфа ишдур, тўрфароқ бил,
Агар йўқтур анинг ёнида миннат.
Шунингдек, куйидаги мисралар ўқувчини гўзал инсоний фазилатлар соҳиби бўлишга ундайди.
Ўзлигини англаш хусусида тафаккур қилишга ундайди:
Одами эрсанг демагил одами,
Ониким йўқ халқ ғамидин ғами.
Айш, Навоий, неча дилқашдур,
Лек адаб бирла ҳаё хушдур.
Бу гулшан ичраки йўқтур бақо гулига сабот,
Ажаб саодат эрур чикса яхшилик била от.

Эртса мақсуд муддао бирла,
Мени ёд эттасен дуо бирла.
Ки, Навоийга ул дуо етгай,
Булбули руҳига наво етгай.
Кўринадики, Алишер Навоий амали билан ҳам, қалами билан ҳам одамларга инсонийлик борасида намуна бўла олган.

Мухтасархон ВОҲИДОВА,
Олтиариқ туманидаги Эркин Воҳидов уй-музей илмий ходими.
Машрабжон РОЗИҚОВ,
меҳнат фахрийси, маънавият тарғиботчиси.

“ЯХШИ НИЯТ” – ЗАМОНАВИЙ ШАҲАРЧА БЎЛАДИ

Ҳаётбахш ИСЛОҲОТЛАР



ФУРҚАТ ТУМАНИНИНГ “Ғунча” МФЙда 12 та кўп қаватли уйлар барпо этилиб, 3 та янги уй Наврўз байрами арафасида фойдаланишга топширилиши режалаштирилган.



хусусий шериклик тамойили асосида 200 миллион сўм маблағ сарфлаб, маҳалла фуқаролар йиғини учун барча шaroитларга эга бўлган янги бино қуриб берди. Шу кунларда маҳалла марказида 10 нафар тадбиркор томонидан замонавий хизмат кўрсатиш ва савдо мажмуалари барпо этиляпти.

— Яқинда маҳалламизга ташриф буюрган вилоят ҳокими Хайрулло Бозоров қурилиш-бунёдкорлик ишларини мамнуният билан эътироф этиб, янги массивни “Яхши ният” деб номлаш таклифини билдирди, — дейди «Ғунча» МФЙ раиси Абдурахмон Холматов. — Бундан руҳланган ҳолда эзгу ишлар салмоғини кўпайтириш учун маҳалла ахли астойдил ҳаракат қилмаяпти.

Ботир МАДИЁРОВ. Суратларни Шерзод ҚОРАБОЕВ олган.



рихчи Хондамир бўлиб, у устози Навоийнинг беқиёс Ҳиротда ва бошқа шаҳарларда бир неча мадраса, 40 работ, 17 масжид, 10 хонақоҳ, 9 ҳаммом, 9 кўприк, 20 га яқин ховуз қурган, таъмирлаттирган. Улар орасида Ҳиротдаги “Ихлосия”, “Низомия” мадрасалари, “Халосия” хонақоҳи, “Шифоия” тибгоҳи, Қуръон тиловат қилувчиларга мўлжалланган “Дорул-хуфоз” биноси, Марвадгаи “Хусравия” мадрасаси ва бошқа ноёб меъморий ёдгорликлар бор.

рихчи Хондамир бўлиб, у устози Навоийнинг беқиёс Ҳиротда ва бошқа шаҳарларда бир неча мадраса, 40 работ, 17 масжид, 10 хонақоҳ, 9 ҳаммом, 9 кўприк, 20 га яқин ховуз қурган, таъмирлаттирган. Улар орасида Ҳиротдаги “Ихлосия”, “Низомия” мадрасалари, “Халосия” хонақоҳи, “Шифоия” тибгоҳи, Қуръон тиловат қилувчиларга мўлжалланган “Дорул-хуфоз” биноси, Марвадгаи “Хусравия” мадрасаси ва бошқа ноёб меъморий ёдгорликлар бор.

Навоий 200 га яқин бева-бечораларга ҳар йили ёрдам бериб турган, унинг ҳомийлигида юзлаб истеъдод эгалари, илми толиблар, ижодкорлар, олимлар панох топиб, рағбат олиб, камолга етганлар. Шулардан бири та-

Хикоя ҚЎШНИ МУҲТОЖ БЎЛМАСИН
Бола эдик. Биз кўчиб келган қишлоқ кўрик ерда барпо қилинган, хали кўрғонлар йўқ, уйлар девор уриб тўсилмаган эди. Уша йили қиш қаттиқ келди, қор ҳам эрта ёғди. Ховлимиз четига бир машина кўмир тўқтирдик. Бир кўмирки, хавасга ёқасиз. Дона-дона, ловуллаб ёнгани билан чўғи сахаргача бузилмай туради.

Олапар лақабли итимиз бўлиб, жуда хушёр одамни тиш-ламас, аммо ховлига бегона кирса, ақиллаб дунёни бузгудек бўларди. Бир кунни оқшом маҳали басма-басига хурганини эшитиб, акам ташкарига чиқиб кетди. Бир оз ҳаяллагач, қовоғи уюлиб кириб келди. Нима гапганини сўраган онамга тагдор қилиб жавоб берди:
— Қўшнимиз Ҳайит хола экан. Қўлида эски қоп. Товуғини излаб чиқдим, дейди. Дадам билан онам бир-бирига маъноли қараб қўйишди.
— Биламан, кўмир ўғирлагани чиққан! — дедим мен дадиллашиб. Чунки уюнинг қўшни томони ҳар кунни ўйлиб қолаётганини анчадан бери сезиб юрардик.
— Тек! — пўпса қилдилар онам. — Ўзингдан каттага билиб-билмай маломат қилма.
— Рост айтаяпти, — гапга қўшилди онам. — Уларникида кўмир йўқ, шунинг учун ҳам... Дадам вазмин томоқ кирди, ҳаммамиз унда юзландик.
— Уларда кўмир йўқ, дегин? Унда яхшилаб эшитовинглар. Бугундан бошлаб кечаси итни бўшатмаймиз. Ким қўшнининг

кирганини пайқаб қолса, тезда билдирмай изига қайтсин. То оладиганини олиб кетмагунча чиқмай туринглар, изза бўлмасин. Кейин онамга юзланди:
— Тез-тез пақирда олчиқиб бериб тур. Онам индамай бош иргаб тасдиқлади. Ҳайронлигимиз юз-кўзимизда зоҳир эди шекилли, дадам қўшимча қилди:
— Қўшнинг совуқда дийдираб ўтирса, сенга иссиқ уй татийдими. Қўли юпқалик қилгандирки, кўмир ололмагандир. Муҳтожлик ёмон... Небаралари майда, ёрдам бериш керак.
Шу-шу Ҳайит холаининг кириб-чиқишларига кўз юмиб юравердик. Онам ора-сира ҳеч нарсани билмайдигандай, уларникига пақирни тўлдириб кўмир олчидиган бўлгач, оқшомили яширинча чиқадиган одатини ҳам ташлади.
Қишдан ҳамма омон чикди. Кўмир ҳаммага етди...
Ундан бери қанча сувлар оқиб ўтди. Уша одамлар энди йўқ... Ҳайит холаининг “майда” небаралари аллақачон шаҳарда катта одам бўлиб кетишган. Лекин, қачон йўллари тушса, ота уйимизни бир йўқлаб ўтишади. Бувилари васият қилган экан...

Гулчехра АСРОНОВА.

ОДАМ ФУРДУШЛАР
ёхуд соддаликнинг нархи қанча?
мамлакатни тилини билмаслик, муайян касб ва малакага эга бўлмаслик, аксарият одамларнинг ўз ҳақини талаб қила олмаслиги оғир меҳнат шaroитларида кул сифатида эксплуатация қилинишларига олиб келмоқда.
Одам савдоси ўзининг содир этилиши услублари бўйича трансмиллий ҳарактерга эга эканлигини инобатга олиб, мақсуд турдаги жиноятчиликка қўшни давлатлар билан ҳамкорликда мунтазам равишда профилактик тадбирларни олиб боришни тақозо этади. Шуларни эътиборга олган ҳолда, МДҲ давлатлари раҳбарлари қарори билан тасдиқланган, жиноятчиликка қарши курашиш бўйича 2019-2023 йилларга мўлжалланган Давлатларара чора-тадбирлар Дастурига асосан, йил мобайнида белгиланган вақтларда Қозғистон, Тожикистон ва Қирғизистон давлатлари ҳукукони муҳофаза қилувчи идоралари билан ҳамкорликда, одам савдоси ва ноқонуний миграцияга қарши курашишга қаратилган ҳамкорликдаги “Стоп трафик” номли тезкор-профилактик тадбирлар ўтказилиб
Қирғули электротехника касб-хунар коллежини 2003 йилда тамомлаган Тиллабоева Нафиса Хабибулаевна номига берилган К 065098 рақамли диплом йўқолганлиги сабабли БЕКОР ҚИЛИНАДИ.
Фаргона шаҳар 28-ўрта таълим мактабини 2019-2020 ўқув йилида тамомлаган Шожиров Шохруҳбек Шухратбек ўғли номига берилган ТМ 0860873 рақамли шаҳодатнома йўқолганлиги сабабли БЕКОР ҚИЛИНАДИ.

Table with 5 columns: MUASSIS: FARFONA VILOYATI HOQIMLIGI, Boш muхarrir: Muхаммаджон ОБИДОВ, Офсет усулида А-2 форматда (4 бет) чоп этилди. 2007 йил 9 январда Ўзбекистон Матбуот ва ахборот агентлиги Фаргона вилоят бошқармасида 12-001 рақами билан рўйхатдан ўтган. Газета «Полиграф-Пресс» МЧЖ бошмақонасида тахририятнинг оригинал макети асосида офсет усулида чоп этилди. Манзили: Марғилон шаҳри, Туркистон кўчаси, 236 «Б» уй. Бизнинг манзил: 150114, Фаргона шаҳри, Соҳибқирон Темур кўчаси, 28-уй. Бош мухarrир қабулхонаси: (факс) 73-226-02-70. Реклама ва эълонлар: 73-226-71-24. Саҳифаловчи Алишер Розиков.